



KOMUNIKADO PA PRENSA

Fecha

31 di mart 2017

Kolaboradó di Maneho

Corinne Leysner

Email

corinne.leysner@gobiernu.cw

Adaptashonnan dilanti Lanthùis Savonet pa mehorá siguridat di tráfiko

Willemstad - Minister Jaime Cordoba i Obra Públiko ta anunsiá ku entrante djaluna dia 3 di aprel próksimo, ta kuminsá traha riba e pida kaminda pa bai Wespen, na altura di Lanthùis Savonet. E trabounan tin komo meta pa halsa e siguridat di tráfiko di bishitantenan di Savonet i Parke Kristòf i di tráfiko ku ta pasa riba e kaminda.

E pida kaminda na altura di Savonet ta keda instalá komo un área poblá. Esaki ta enserá ku ta traha un asera meimei di kaminda ku ta haña plantashon riba dje, asera na tur dos banda di kaya ku iluminashon, adaptashonnan pa peaton por krusa kaya na un manera sigur, lugá pa busnan por para i 'ábri' pa pasahero di bus sinta òf para warda, e lugá speshal pa e tantísimo busnan di skol i di turista por stashoná i un kaminda pa turistanan por sinta.

E trabou ta den man di kontratista Aliansa BV. Durante di e trabounan no tin masha molèster pa tráfiko pero ta pidi outomobilistanan tòg pa tene kuenta ku e trabounan menshoná i pa baha velocidat.